

Broj: 01-13367-17/23
Dana, 13.05.2024. godine

Na osnovu člana 31. Statuta Univerzitetskog kliničkog centra Republike Srpske i člana 70. Zakona o javnim nabavkama BiH („Sl. glasnik BiH“, broj: 39/14 i broj:59/22), donosim sljedeću

ODLUKU O IZBORU NAJPOVOLJNIJE PONUDE (Lot 2) (drugi izbor)

I

Na osnovu prijedloga Komisije za provođenje otvorenog postupka, koji je objavljen na Portalu javnih nabavki broj: 1255-1-1-454-3-524/23 od dana 10.10.2023. godine donio sam odluku da se kao najpovoljnija ponuda u postupku nabavke hemikalija za potrebe Zavoda za kliničku patologiju (u dijelu za Lot 2) izabere ponuda ponuđača „**V GROUP PALIS**“ d.o.o. Brčko, ul. Banjalučka 54.

II

Ovom Odlukom stavlja se van snage Odluka o izboru najpovoljnije ponude br: 01-13367-9/23 od 19.02.2024. godine.

III

Za sprovođenje ove Odluke zadužuje se Služba za javne nabavke i praćenje realizacije ugovora. O izvršenju ove Odluke odgovorna lica su obavezna da redovno informišu generalnog direktora.

Obrazloženje:

Na osnovu provedenog postupka, prvobitnog pregleda i ocjene pristiglih ponuda, Ugovorni organ je donio Odluku o izboru najpovoljnije ponude br: 01-13367-9/23 od 19.02.2024. godine, kojom je kao najpovoljnija ponuda u postupku nabavke hemikalija za potrebe Zavoda za kliničku patologiju (u dijelu za Lot 2), odabrana ponuda ponuđača „**KRAJINAGROUP**“ d.o.o. Banja Luka, ul. Novakovići bb.

Nakon obavještanja ponuđača o rezultatima postupka i dostavljanja Odluke o izboru najpovoljnije ponude br: 01-13367-9/23 od 19.02.2024. godine (u dijelu za Lot 2), svim učesnicima u postupku nabavke, ponuđač "V Group Palis" d.o.o. Brčko je uložio Žalbu broj: 134/2024 od dana 22.02.2024. godine (zaprimljena na protokolu Ugovornog organa dana 23.02.2024. godine) na Odluku o izboru najpovoljnije ponude.

Ispitujući procesne pretpostavke Ugovorni organ je utvrdio da je predmetna žalba neblagovremena, te izradio Zaključak broj: 01-13367-13/23 od dana 28.02.2024. godine, koji prosljeđuje ponuđaču "V Group Palis" d.o.o. Brčko dana 28.02.2024. godine.

Dana 08.03.2024. godine na protokolu Ugovornog organa je zaprimljena Pisana instrukcija URŽ-a Podružnica/Filijala Banja Luka broj: JN2-02-07-1-704-2/24 od 06.03.2024. godine, u kojoj se od Ugovornog organa traži da dostavi kompletnu dokumentaciju u postupku predmetne javne nabavke (u dijelu za Lot 2).

Shodno traženom, Ugovorni organ dana 13.03.2024. godine dostavlja URŽ-u, Podružnica/Filijala Banja Luka, kompletnu dokumentaciju u postupku predmetne javne nabavke (u dijelu za Lot 2), zajedno sa dopisom i izjašnjenjem na navode žalbe.

Dana 15.04.2024. godine Ugovorni organ je zaprimio RJEŠENJE broj: JN2-02-07-1-704-8/24 od 04.04.2024. godine, kojim se Žalba ponuđača "V Group Palis" d.o.o. Brčko usvaja, te se poništava Odluka o izboru najpovoljnije ponude br: 01-13367-9/23 od 19.02.2024. godine i Zaključak broj: 01-13367-13/23 od dana 28.02.2024. godine.

Navedenim Rješenjem odlučeno je da će Ugovorni organ u ponovljenom postupku, otkloniti nedostatke, te u skladu sa zakonskim odredbama izvršiti ponovnu analizu ponuda na osnovu čega će donijeti odgovarajuću odluku u predmetnom postupku nabavke, u skladu sa utvrđenim činjeničnim stanjem (u dijelu za lot 2).

Komisija je u ponovljenim radnjama postupka, pristupila ponovnoj analizi i ocjeni pristiglih ponuda, pridržavajući se u potpunosti sugestija i mišljenja URŽ-a, te je na osnovu utvrđenog kriterijuma za izbor - najniža cijena tehnički zadovoljavajuće ponude, zakazana i provedena e-aukcija (zakazana dana, 22.04.2024. godine za 25.04.2024. godine sa početkom u 09:00 h u trajanju od 10 minuta), na koju su pozvani kvalifikovani ponuđači koji su dostavili prihvatljive ponude i tom prilikom je na osnovu konačne rang liste ponuđača koji su učestvovali na e-aukciji kao najpovoljnija izabrana ponuda naprijed navedenog ponuđača iz tačke I ove Odluke.

Detaljno obrazloženje, analiza i ocjena pristiglih ponuda nalazi se u Zapisniku o ponovnom pregledu i ocjeni ponuda i Izvještaju o toku i završetku E-aukcije, koje vam dostavljamo u prilogu ove Odluke i čine njen sastavni dio.

Pouka o pravnom lijeku:

Protiv ove Odluke pravo žalbe ima svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je bila ili mu je mogla da bude u konkretnom postupku javne nabavke prouzrokovana šteta zbog nezakonitog postupanja ugovornog organa, a koja se u žalbi navodi kao povreda Zakona i podzakonskih akata od strane ugovornog organa. Žalba se izjavljuje URŽ-u putem ugovornog organa, u pisanoj formi u roku od deset dana od prijema pisane Odluke o izboru najpovoljnije ponude (drugi izbor) na način predviđen članom 99. Zakona o javnim nabavkama BiH.

Žalba uložena u prethodno navedenom roku sprečava ugovorni organ da zaključi ugovor o nabavci roba s najpovoljnijim ponuđačem.

DOSTAVLJENO:

1. Svim učesnicima
2. Sl. za javne nabavke i praćenje realizacije ugovora
3. A r h i v a

GENERALNI DIREKTOR,
Prof. dr.sc.med. Vlado Đajić

